



UNIVERSITÄTS-
BIBLIOTHEK
PADERBORN

**Antonii Mvsae Brasavoli Medici Ferrariensis Examen
omnium Trochiscorum Vnguentorum, Ceratorum,
Emplastrorum, Cataplasmatumque, & Collyriorum**

Brasavola, Antonio Musa

Venetiis, MDLI

Vnguentum de Dialthæa XXIII

[urn:nbn:de:hbz:466:1-70720](https://nbn-resolving.org/urn:nbn:de:hbz:466:1-70720)

BRASAVOLI

Pulueris lithargyrii unc. VIII.

Aceti quantum sufficit.

Misce, & fiat unguentum secundum artem.

BRAS. Nonnulli appellant ipsum unguentum de lithargyrio. Alij tamen sunt Ferrariae qui ita cōficiunt.

Recipe lithargyrii } Singulorum lib. I.
Olei rosati }

Cerae unc. IIII.

Aceti unc. VI.

Misce, & fiat unguentum secundum artem. Alij uero ita parant.

Recipe lithargyrii argenti unc. VI.

Olei rosacei unc. XVIII.

Aceti quantum sufficit.

Misce, & fiat unguentum. SE. Est ne addenda cera cum aliqui illam addant, alij non addant? BRAS. Si unguentū magis inherere uolueris, ceram addito, si hoc negligas, absq; cera cōficiatur. SE. Ad quos ualet hoc unguentum affectus. BRAS. Ad multos. illo nōnunq; in puerorum scabie utor, id saltem efficit quod pruritus mitigat, potissimūq; illo utor cum intentio est pruritus mitigare, & scabiem penitus non abigere, ulceribus, superficialibus praesertim conuenit, & in quibus exiccatione indigemus, ac refrigeratione.

SENE X. XXIII.

Vnguentum igitur Dialthæa uocatū accedat. BRAS. Ab althæa nomen sortitum est, optimum est ad emolliendum cataplasma. at compositionem quam seruas refero. SE. Enrefero.

Recipe

Recipe radicū althææ lib. VI.

Seminum lini } Singulorum lib. III.
Fœnu græci }

Scillæ lib. I. & semis.

Olei communis lib. XII.

Terebinthinæ }
Gummi hederæ } Singulorum unc. VI.
Galbani }

Colophonie } Sing. lib. I. & semis.
Resinæ pini }

Misce, & fiat unguentum secundum artem.

BRAS. Non possum nō irasci cum aliqua compositio
ab authore proprio describitur, tamen pharmacopole
in ponderibus errant. SE. Erro ne ego? BRAS.

Et maxime: quoniam Nicolaus huius compositionis au-
thor alia sequitur pondera quàm tu retuleris. SEN.

Quid ait ille? BRAS. Hoc quod sequitur.

Recipe radicū althææ lib. II.

Seminum lini } Singulorum lib. I.
Fœnu græci }

Scillæ lib. semis.

Olei lib. III.

Ceræ lib. I.

Terebinthinæ }
Gummi hederæ } Singulorum unc. II.
Chalbani }

Colophonie } Singulorum lib. semis.
Resinæ }

Misce. SE. Iam uideo magnam esse in rerum ponderi-
bus differentiam. BRAS. De modo autem conficien-

f ij di

BRASAVOLI

di eiuscemodi unguentum nihil differuisti. SEN. Tu-
 modum referas. BRAS. Hic est modus Nicolao te-
 ste. primo autem dicit Si sambuci radix cum hoc unguē-
 to misceatur, et cyclaminis ad uulnerum consolidationē
 ualere, et quidam addunt butyrum, compositio uero ita
 fiat. herbæ omnes, & radices bene abluantur, & teran-
 tur, similiter lini semen, & scœnu græci, & scilla, & cū
 bene trita fuerint in septem aquæ libras per tres dies in-
 fundantur, quarto autem die super ignem ponantur, et
 bulliant quoad inspissati fuerint; deinde paulatim in suc-
 cum ponantur, & cum exprimere uolueris aliquantu-
 lum aquæ feruentis ad illius uiscosi succi abstractionem
 addatur, ex hoc succo duæ accipiuntur libræ, & in qua-
 tuor olei libras ponantur, & ad succi consumptionem
 ebulliant, quod tum erit cum nihil succi supernataue-
 rit, postea una ceræ libra addatur, & cum liquefacta
 fuerit addatur terebinthina, postea gummi hederæ con-
 tusum, et chalbanū, & in fine addatur puluis colopho-
 niæ, et resinæ, & cum coctum fuerit (quod tunc depre-
 hendetur, cū gutta supra marmor posita inspissabitur)
 ab igne remoueatur, cumq; coctum fuerit, & infrigida-
 tum diligenter reponere. SE. Putas ne me aliter confi-
 cere, quam à te dictum sit? BRAS. Ignoro, sed hic
 est quem retuli conficiendi modus Nicolai, quem modū
 qui non seruat, prorsus aberrat. Sunt nonnulli qui duas
 non accipiunt radicem althææ libras, sed tres sumunt
 manipulos, & ita in suis legunt compositionibus. SE.
 Mihi potius arridet ut statuta habeant pondera. BRAS.
 SA. Et ego semper per pondera medicamenta indico,
 nisi forte medicamentum tale sit (ut quandoq; sunt fo-
 menta)

menta) in quo nihil referat uel plus, uel minus horum, uel illorum simplicium addere. In reliquis uero pondus semper obseruandū uoluerim. SE. Ad quos ualet hoc unguentum affectus? BRAS. Ad pectoris dolorem ob frigiditatē excitatum, & ad pleuritim. omnes infri- gidatas partes, & desiccatas calefacit, emollit, atq; hu- mectat. ad iecur emolliēdum iecorarijs cōmiscetur me- dicamentis, & ad omnes emolliēdas durities, & ad lie- nem potissimum prædurum: tamen semper medicamen- ta his membris propria cōmisceri debent. Sunt nonnulli qui non addunt huic medicamento cerā. SE. In mea cōpositione non adest, tamen semper conscientia quadā ductus illā addidi. BRAS. Debat esse magis liqui- dum, si quādoq; absq; cera confecisti. SE. Reperitur ne apud antiquos hoc unguentum? BRAS. Reperi- tur apud Nicolaum Alexandrinum, capite nongentesi- mo nonagesimo septimo ubi inscriptio est Vnguentum chalasticum Dialthææ quod ad dolorem ualere dicit, et stomachi inflationes, ad omnem uiscerum duritiem, & ad eos qui ex macronoxis lassitudine laborant, & omnes dolores, neruos affectos, ad periodicas febres iuxta ignem inungendum, ad uesicæ frigiditatem supra umbilicum & pectinem impositum, ad omnia membra secundum rationem ex frigiditate laborantia. SE. Est ergo magni uigoris unguentum. At compositionem re- fert. BRAS. Ita conficit illud Alexandrinus.

Recipe aquæ sextarios quindecim

Olei lib. VI.

Radiciſ euisci lib. III.

f iij Seminis

BRASAVOLI

Seminis lini	}	Singulorum lib. II.
Fœnu græci		
Ceræ	}	Singulorum lib. I.
Scillæ		
Colophoniæ	}	Singulorum unc. III.
Resinæ		
Terebinthinæ	}	
Chalbani		
Gummi hederæ	}	

Radices & semina per triduum aquæ infunde, quarto die lento igne in uaso æneo stagnato ad consumptionem aquæ decoque, & fortiter per linteolum cola, deinde in succi libras quatuor oleum infunde, et ad consumptionem succi decoque, iterum cola, deinde ceram adde, liquefactisq; gūmi adhibe postremū colophoniæ puluerem, & resinæ, tepefactum repone ad usum. optarem ergo ut hoc ordine, hisq; ponderibus tuū dialthææ unguentum parares, atq; seruares. SE. Hoc surdo non cantauerit. BRAS. Arbitror Nicolaum Propositum ab hoc Alexandrino omnia quæ scripsit desumpsisse, ut in multis alijs planum est compositionibus, quas ad uerbū refert Propositus. At alia moliri unguentorum genera tempus iam imminet.

SENE X.

XXIII.

Vnguentum pro Scabie in meæ schedæ ordinem succedit. BRASAVOLI. Arbitror nullum esse Ferrariæ pharmacopolam, qui idem cum alio conficiat pro scabie unguētum, immo neq; Venetijs, neq; Patauij neq; Bononiæ idem est apud omnes conficiendi modus. SE. Difficile igitur erit tot unguētorum genera explicare.

BRAS.